



**Služba za investicije, komunalno-stambene i poslove mjesnih zajednica**

Broj: 03-05-13551/19  
Lukavac, 17.12.2019.godine

Na osnovu člana 64. stav (1). tačka a), člana 25. i člana 70. stav (1), (3) i (6) Zakona o javnim nabavkama („Sl. glasnik BiH“, broj: 39/14), na Preporuku Komisije za provođenje postupka javne nabavke broj: 03-05-13551/19 od 16.12.2019.godine u otvorenom postupku javne nabavke radova na proširenju toplovodne mreže u Lukavcu, a shodno članu 1. Rješenja o prenosu ovlaštenja na državnog službenika broj: 02-05-1056/19 od 29.01.2019.godine, pomoćnik Općinskog načelnika Službe za investicije, komunalno-stambene i poslove mjesnih zajednica, d o n o s i

**O D L U K U**  
**o izboru najpovoljnijeg ponuđača**

**Član 1.**

Prihvata se preporuka Komisije za provođenje otvorenog postupka javne nabavke broj: 03-05-13551/19 od 16.12.2019.godine i Ugovor za nabavku radova na proširenju toplovodne mreže u Lukavcu, dodjeljuje se ponuđaču „**TERMOTEHNIKA**“ dd Tuzla, a prema ponudi broj:41/19 od 10.12.2019.godine, dostavljenoj dana 11.12.2019.godine i konačne rang liste nakon završene e-aukcije, za ponuđenu cijenu u vrijednosti od 199.489,68 KM bez PDV-a, kao najpovoljnijem ponuđaču.

**Član 2.**

Izabrani ponuđač dužan je nakon prijema Odluke o izboru dostaviti **u roku od 7 (sedam) dana** originale ili ovjerene kopije dokaza o ispunjavanju uslova iz člana 45. stav (2) tačka a) do e) Zakona o javnim nabavkama BiH, navedene u tački 12.2., dokaz iz člana 47. Zakona naveden u tački 13.2.2.a) i dokaz naveden u tački 13.3.5. Tenderske dokumentacije broj: 03-05-13551/19. Ukoliko izabrani ponuđač ne dostavi traženu dokumentaciju u određenom roku ili je ne dostavi na propisan način, ugovor će se dodijeliti drugorangiranom ponuđaču.

**Član 3.**

Prijedlog ugovora o nabavci dostavit će se na potpis izabranom ponuđaču nakon isteka roka od 15 (petnaest) dana, računajući od dana prijema obavještenja o izboru najpovoljnije ponude.

**Član 4.**

Ova odluka objavit će se na internet stranici ugovornog organa ([www.lukavac.ba](http://www.lukavac.ba)) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**Član 5.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

**O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 03-02-1-13550/19 od 20.11.2019.godine. Javna nabavka sprovedena je otvorenim postupkom nabavke.

Procjenjena vrijednost javne nabavke bez PDV-a je 225.000,00 KM.

Strana 1 od 3



ISO 9001:2015  
No. 308550 QM15

Općina Lukavac - Općinski Načelnik, Trg slobode 1, 75300 Lukavac  
[www.lukavac.ba](http://www.lukavac.ba), e-mail: [kabinet-nacelnika@lukavac.ba](mailto:kabinet-nacelnika@lukavac.ba)  
Tel. +387 35 366 700, fax: +387 35 366 703



ISO 9001:2015 No.  
308550 QM15

Obavještenje o nabavci broj: 719-1-3-83-3-122/19 objavljeno je na Portalu javnih nabavki dana 20.11.2019.godine.

Komisija za provođenje postupka nabavke imenovana Rješenjem broj: 02-05-13597/19 od 21.11.2019.godine, dostavila je ugovornom organu-Pomoćniku Općinskog načelnika Zapisnik o pregledu i ocjeni ponuda broj: 03-05-13551/19 od 13.12.2019.godine, Zapisnik o pregledu i ocjeni ponuda nakon završetka e-aukcije broj: 03-05-13551/19 od 16.12.2019.godine, Preporuku o izboru najpovoljnijeg ponuđača broj: 03-05-13551/19 od 16.12.2019.godine i Izvještaj o radu broj: 03-05-13551/19 od 16.12.2019.godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljeno pet ponuda;
- da je blagovremeno primljeno pet ponuda;
- da nije bilo neblagovremeno primljenih ponuda;
- da ponude ponuđača „MIKOM“ doo Tuzla i „TERMOVENT“ doo Živinice nisu kvalifikovane.

Naime, ponuđač „MIKOM“ doo Tuzla nije ispunio minimalni uslov propisan tačkom 13.3.1.a) Tenderske dokumentacije koji se odnosi na uspješno iskustvo kao osnovnog ugovarača u realizaciji jednog ugovora čiji su karakter i priroda isti ili slični onima koji se odnose na izgradnju, rekonstrukciju ili održavanje vrelvodnih i toplovodnih mreža u prethodnih 5 godina u vrijednosti od 200.000,00 KM bez PDV-a i više, a što se dokazuje spiskom izvršenih ugovora uz osiguranje potvrde za najmanje jedan ugovor koju izdaje druga ugovorna strana kako je navedeno u tački 13.3.2.a) Tenderske dokumentacije.

Ponuđač „TERMOVENT“ doo Živinice nije postupio u skladu sa odredbama tačke 17. Tenderske dokumentacije, tačnije propustio je popuniti stavke u Obrascu za cijenu ponude pod tačkom D. ELEKTROINSTALACIJE – RAZVODNI ORMARI, redni broj 1 i 3.

Tačkom 17. Tenderske dokumentacije definisano je sljedeće:

„Obrazac za cijenu ponude koji je dat kao *Prilog 3*. priprema se u skladu sa zahtjevima iz tenderske dokumentacije i čini sastavni dio tenderske dokumentacije.

Ponuđači su dužni dostaviti popunjen obrazac za cijenu ponude u skladu sa svim zahtjevima koji su definisani, za sve stavke koje su sadržane u obrascu. U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbačena.

Ponuđač je dužan dati ponudu za sve stavke navedene u obrascu cijena ponude, vodeći pri tome računa da ukupan zbir cijena svih stavki u obrascu ne može biti 0 (nula).“

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

Prilikom računске kontrole ponude broj: 361-TP-12/19 od 11.12.2019.godine, ponuđača „TEHNOPEL“ doo Tuzla, primijećena je računska greška u Obrascu za cijenu ponude, tačka 3. ZAVRŠNI RADOVI, obračunati u ukupnom iznosu od 6.750,00 KM, obzirom da isti iznos nije dodan u zbir u rubrici REKAPITULACIJA, pod B – MAŠINSKI RADOVI, gdje je upisan iznos od 82.089,72 KM, a trebalo je 88.839,72 KM.

Naprijed navedena ispravka dovela bi do daljih promjena tako da bi „UKUPNA CIJENA (A+B+C+D) BEZ PDV-a“ iznosila 262.849,95 KM umjesto 256.099,95 KM, zatim „PDV 17%“ bi iznosio 44.684,49 KM umjesto iznosa od 43.536,99 i „UKUPNA CIJENA U KM SA POPUSTOM I PDV-om“ iznosila bi 307.534,44 KM umjesto iznosa od 299.636,94 KM.

Komisija je pismenim putem zatražila saglasnost za ispravku računске greške u roku od 3 dana, od dana prijema zahtjeva. Ponuđač je u ostavljenom roku dostavio saglasnost za ispravku računске greške aktom broj: 1174/19 od 12.12.2019.godine. Komisija je nastavila sa radom dana 13.12.2019.godine u 08:00 sati.

Takođe, prilikom računске kontrole ponude, broj: 41/19 od 10.12.2019.godine, ponuđača „TERMOTEHNIKA“ dd Tuzla, utvrđena je računska greška u Obrascu za cijenu ponude, tačka 2.

MAŠINSKO-MONTAŽNI RADOVI, podtačka 2.12., obzirom da je nakon množenja iznosa 32 x 50,00 KM dobijen zbir 1.760,00 KM, a trebalo je 1.600,00 KM, tako u zbiru montažni radovi iznose 61.858,00 KM umjesto iznosa 62.018,00 KM, odnosno u zbiru montažni radovi dionica 4 iznose 63.508,00 KM umjesto iznosa 63.668,00 KM.

U rubrici REKAPITULACIJA, pod B – MAŠINSKI RADOVI, upisani iznos od 63.668,00 KM treba da glasi 63.508,00 KM.

Naprijed navedena ispravka dovela bi do daljih promjena tako da bi „UKUPNA CIJENA (A+B+C+D) BEZ PDV-a“ iznosila 219.219,43 KM umjesto 219.379,43 KM, popust bi iznosio 6.576,59 KM umjesto 6.581,38 KM, „UKUPNA CIJENA SA POPUSTOM U KM BEZ PDV-a“ iznosila bi 212.642,84 KM umjesto iznosa od 212.798,05 KM, zatim „PDV 17%“ bi iznosio 36.149,29 KM umjesto iznosa od 36.175,67 i „UKUPNA CIJENA U KM SA POPUSTOM I PDV-om“ iznosila bi 248.792,13 KM umjesto iznosa od 248.973,72 KM.

Komisija je pismenim putem zatražila saglasnost za ispravku računске greške u roku od 3 dana, od dana prijema zahtjeva. Ponuđač je u ostavljenom roku dostavio saglasnost za ispravku računске greške aktom broj: 02-12/19 od 12.12.2019.godine. Komisija je nastavila sa radom dana 13.12.2019.godine u 08:00 sati.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu tendersku dokumentaciju utvrđeno je da procijenjena vrijednost nabavke bez uključenog PDV-a iznosi 225.000,00 KM i da je kriterij za dodjelu ugovora najniža cijena.


Ponuđač „TERMOTEHNIKA“ dd Tuzla dostavio je prihvatljivu ponudu sa konačnom cijenom nakon e-aukcije u iznosu od 199.489,68 KM bez PDV-a.

Iz navedenih razloga, primjenom člana 64. stav (1) tačka a) Zakona o javnim nabavkama, člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine riješeno je kao u članu 1. ove Odluke.

#### **Pouka o pravnom lijeku:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac. Žalba se podnosi u najmanje tri primjerka.

Sekretar komisije:  
Fahrudin Hasanhodžić



Po Ovlaštenju Općinskog načelnika  
**POMOĆNIK NAČELNIKA**  
Mirela Bubić, dipl. pravnik



#### **Dostaviti:**

1. „TERMOTEHNIKA“ dd Tuzla
2. „VODO-INS“ doo Tuzla
3. „TEHNOPETROL“ doo Tuzla
4. „TERMOVENT“ doo Živinice
5. „MIKOM“ doo Tuzla
6. Evidenciji i
7. Arhivi.-